

Na caminda pa e di cuater edicion anual di Aruba Short Film Festival pa 2017

E gran anochi di gala di e ceremonia pa presentacion di premionan lo tuma lugar na e mahestuoso Crystal Theater na Renaissance Aruba Resort & Casino riba diahuebs dia 30 di november 2017.

E lo ta un anochi espectacular unda tur hende lo disfruta di filmnan netamente Arubano.

Reserva dia 30 di november venidero pa presencia un anochi inolvidabel apoyando nos filmnan local!

E Aruba Short Film Festival a cuminsa na 2014 y e promer ganado tabata Darwin Winklaar kende ta studiando arte na Hulanda.

E prome edicion a conta cu un gran audiencia y tabata un exito rotundo.

Despues di algun luna por a mira algun di e miho filmnan pasa na Tele Aruba varios biaha.

Aruba Short Film Festival ta un plataforma poderoso pa expone talento den film.

Na 2015 e magno evento aki a crece y a dividi e participantenan den 2 categoria cual ganadonan a resulta Gabriela Croes y Semi Chahmi.

Gabriela ta studiando film na Hulanda y Semi Chahmi ta conoci pa Chahmi Films y hopi mas.

Na 2017 nos a opta pa no dividi e participantenan den 2 categoria di edad y tampoco lo tin categoria di documental.

E edicion aki lo enfoca riba categoria di cortometrahe solamente.

Tur persona cu tin pregunta por email nos na arubashortfilmfestival@gmail.com anto CC (copy)



bereaaruba@gmail.com of bishita nos pagina di Facebook.

Sigi nos riba Facebook, pa mas info y tin hopi sorpresa na caminda ya 2018 nos ta celebra nos promer lustro!

Reserva dia 30 di november venidero cuminsando 6 PM pa bay y apoya nos filmnan local! Ban sigi stimula nos talentonan nacional, apoya nos productornan, directornan, actornan y otronan na Aruba.

No perde bo oportunidad pa bin apoya nos comunidad di film votando pa e annual People's Choice Award. Ticketnan lo ta na benta na entrada desde 6 PM y por tuma asiento ora porta habri 6.30 PM. E anochi tan anticipa di e gran ceremonia di premio den film Arubano ta cuminsa 7 PM.

E resultado na 2016 tabata hopi amplio:

Miho actriz: Sabrina Tromp den E yobida di ayera

Miho actor: Alan Monte, den Mi ta bon!

Miho producente documental: Pamela de Coteau pa

Deserted houses
Miho producente cortometrahe:
Armand Simon pa E yobida di ayera

Premio di Publico
Categoria documental:

1. Recuerdonan di Infancia di Ingram Frans
2. Deserted houses di Pamela de Coteau
3. Gerry, e barbero di Zetsia Ponson

Premio di Publico
Categoria cortometrahe:
1. Riba liña peligroso di Cedric Gei
2. E yobida di ayera di Armand Simon
3. Mi ta bon! di Lyrick Perez y Renzjo Arcaya

Miho documental 2016
Categoria documental:
1. Lucha pa husticia, di Danny Martinez
2. Deserted houses, di Pamela de Coteau
3. Recuerdonan di infancia, di Irmgard Frans

Miho cortometrahe 2016
Categoria cortometrahe:
1. E yobida di ayera di Armand Simon
2. Riba liña peligroso di Cedric Gei
3. Mi ta bon! di Lyrick Perez y Renzjo Arcaya